

# **KNR'ip innuttaasunik kiffartuussinerani pisussaaffiisa annertussusai imarisaalu pillugit**

piffissami 1. januar 2019-imiit 31. december 2022 ilanngullugu

## **KNR-ip**

aamma

## **Naalackersuisut**

akornanni

# **innuttaasunik kiffartuussinermi angusassatut isumaqatigiissut**

### **1. Innuttaasut kiffartuunneqarnissaannut isumaqatigiissummi tunngaviusut**

Isumaqatigiissummi siunertaq tassaavoq suliassat suut KNR-imit naammassineqartussatut naatsorsuutigineqarnersut, innuttaasunillu kiffartuussineq sunik tunngaveqassanersoq erseqqissassallugu.

KNR-ip pisortat suliffeqarfiattut namminersortuunera pillugu inatsimmi aalajangersakkanik isumaqatigiissut tunngaveqarpoq, tak. ” Radiukkut tv-kullu aallakaatitsisarneq pillugu Inatsisartut Inatsisaat nr. 7, 8. juni 2014-imeersoq” §§ 28, 57.

Tamatuma kingunerisaanik inatsimmi isumaqatigiissummilu matumani aalajangersarneqartut tunngaviusut iluanni aallakaatitassiornerup pingaarnertigut aaqqissuunneqarneranut KNR'ip siulersuisui akisussaapput.

Aammattaarlu kinguneralugu inatsimmi isumaqatigiissummilu allassimasunut suliniutinut atugassat aningaasaliissutigineqartut namminerlu pissarsiarineqartut KNR-imi siulersuisunit tamakkiisumik killilersorneqanngitsumillu atorineqarsinnaallutik.

Isumaqatigiissut Naalakkersuisut aamma KNR'ip akornanni suleqatigiinnermut sakkuullunilu tunngaviuvoq. Sammisat pingaarutillit aallaavigalugit aqutsinermi sakkuunerata saniatigut isumaqatigiissummi siunertaq taamaalilluni aamma tassaavoq kiffartuussissutaasussanit isumaqatigiissummi allanneqartunik sullissinernik pilersuineq pillugu oqaloqatigiinnissamut tunngavissiineq .

KNR-ip kinguneqarluartumik ingerlanneqarnissaanik sammisaqarnerup ingerlatiinnarnissaata saniatigut isumaqatigiissummik matuminnga Naalakkersuisut aamma KNR-ip oqallisiginninnerannut oqaasertaliorneranullu atatillugu aallaavigineqartoq tassaasimavoq innuttaasunik kiffartuussinerni pitsanngorsaajuarnissaq tamatigoortunillu aallakaatitassiortarnissaq soorlu tv-kut radiukkullu nutaarsiassalerinerni, qaammarsaaniarnerni, ilinniartitsinerni, eqqumiitsuliornerni aliikkutassaqaqtitsisarnernilu anguniarneqartuartaasasoq.

KNR-ip pitsaassuseq nakkutigineruniarpaa, tassunga ilanngullugit aallakaatitassiat suliarilluagaanerusut, kalaallisut oqaatsit qaffasissumik salliutinneqarlutik. Tamatumani apeqqutaatinnagu aallakaatitassiat KNR-ip nammineerluni imaluunniit kalaallinit aallakaatitassiortartunit allanit suliarineqarsimanersut.

Tamatuma saniatigut aallakaatittakkat pitsaanerusumik atornerisigut KNR-ip nuna tamakkerlugu radiukkut tv-kkullu aallakaatitassiornermi qitiusumik inissisimanini KNR-ip atorluarniarusuppaa.

Ullumikkut Inatsisartut ataatsimiinnerannit toqqaannartumik aallakaatitsinernut kiisalu taakku unnukkut aallakaateqqittarnerinut atorneqartup KNR2-p annertunerusumik atorneqarnissaa tassunga ilaavoq. Tamatuma saniatigut oqallinnernik oqaatsinut allanut nutserneqartut aallakaatinnerinut kanali KNR-imit atorneqassalluni tamatumalu saniatigut aallakaatitsinernut allanut assersuutigalugu ilinniartitaanermut sammisunut aallakaatitassianut kanali atorneqarnissaanut periarfissanik misissuissalluni.

Siusinnerusukkut ITK-mik isumaqatigiissut aamma isumaqatigiissummi 2018-imut kisitsisit piviusunngortinneqarsimasut ingerlatsinermi kisitsisissatut naatsorsuutigisat aalajangersarnerinut aallaavittut atorneqassapput.

Illuatungeriit naliliipput isumaqatigiissummi matumani innuttaasunik kiffartuussinermi pisussaaffimminik isumaginninnissamut inuiaqatigiinnilu kiffartuussinikkut sulinissamut KNR tunngavissaqarluarneranik qulakkeerneqartoq.

## **2. KNR'ip atuuffia pingaarnertigullu siunertaa**

Isumaqatigiisut ukiunut sisamanut piffissamut 2019-imiit 2022-imut isumaqatigiisutigineqarpoq.

Isumaqatigiissummi taamaallaat pineqarpoq innuttaasunik tusagassiutitigut kiffartuussinermik ingerlatsineq, tak. radiu tv-lu pillugit inatsimmi §§ 20 – 26, taamaalillunilu KNR-ip allatigut aallakaatitassiortarneranik malittarisassaliornani, tak. inatsimmi 29, imm. 1 aamma KNR-ip allatigut ingerlataqarnera, tak. § 29, imm. 2. Isumaqatigiissummut ilaangillat aallakaatitseqqinnerit, ussassaarutit aallakaatitassiassaalu aaqqissuunneqarsimangitsut, aallakaatitassanut takussutissat, nalunaarutit, OBS-aallakaatitassiat, pinnguaatit, naatsuaranngorlugit saqqummiussisarnerit unillatsiarnerillu, tak. inatsimmi § 28, imm. 4.

KNR tassaavoq kulturikkut suliffeqarfik inuillu oqartussaaqataallutik oqallinneranni pinngitsoorneqarsinnaanngitsaq aamma inuiaqatigiinni kalaallini kulturikkut ingerlatsisuusut ilaat. Tamanna pissaaq kalaallit kulturiat kulturikkullu kingornussaata aallaavigalugit, tamannalu KNR-ip aallakaatitassiaanit oqalliffiusunilu erseqqissumik takuneqarsinnaassalluni.

KNR innuttaasunut assigiinngisitaartunik tamatigoortunillu aallakaatitanut periarfissiissaaq, innuttaasut iliuuseqarsinnaassusiannut aamma kalaallit nunaanni inuinnaat naalackersueqataaneranni ilisimasanut illuinnaasiunngitsumik tapersersuisoq aamma kalaallit kulturiannik oqaasiinillu nukittorsaasoq.

Aningaasatigut Naalackersuisunit tunngavissat aningaasallu nammineq pissarsiarisimasai naapertorlugit nutaarsiassat, soqutiginaartut, kulturip, meeqqat inuusuttullu, innuttaasunut qaammarsaanerup, ilinniartitaanerup ilinniarnerrullu iluini KNR suli pingaarnersiullunilu pitsaassutsikkut imarisaanik pitsaanerulersitsissaaq.

KNR nunanilu tamalaani tusagassiorfiit ukiuni makkunani atortorissaarutitigut tusagassiornikkullu allanngoriartorfimmiipput. Taamaattumik ukioqatigiiaat siunnerfigineqartullu tamaasa kiffartuunnissaannut digitalikkut ileqquusumillu aallakaatitsiviit

atorfissaqartinneqarlutik. KNR-ip imarisaanik siammarterinikkut annertunerusumik digitalinngorsaaneq saaffigissavaa.

### **3. Siammarterineq**

Innuttaasunut kiffartuussinissamut neqeroorutit tamanut qulakkeerniarlugit KNR-ip tusagassiortarnikkut ineriartorneq malinnaaffigissavaa aamma innuttaasut sumiiffigisaanni kanalini aallakaatitsivinnilu attuumassuteqartuni qaffasissumik pitsaassuseqartunik imaqartunut innuttaasunut killeqanngitsumik periarfissiinikkut innuttaasut tusagassiuutinik atuinerannut naapertuutissalluni.

KNR-ip aallakaatitassiai KNR-ip TV-kkut radiukkullu kanaliisigut digitalikkullu KNR-ip internetti tunngavigalugu kiffartuussiffiisigut siammarterneqarput.

Ullumikkut innuttaasunik kiffartuussinermi KNR imatut siammarterivoq:

- KNR-ip aallakaatitassiai KNR-ip TV-kkut radiukkullu kanaliisigut digitalikkullu KNR-ip internetti tunngavigalugu kiffartuussiffiisigut siammarterneqarput.
- Mellembølgimi kanali (AM, Amplitude Modulation),
- Tunumi avataasiorlutik kilisaatinut nassissutsikkut 3815 kHz-kkut aallakaatitsisarneq,
- KNR1 aamma KNR2 tekst-tv-imi nutaarsiassat paasissutissiinerillu
- Electronic Programme Guide (EPG). Aallakaatitassat pillugit nalunaarsuutit aamma KNR-ip Tv-kanaliini aallakaatitassat pillugit eqqartuinerit.

### **4. Aningaasalersuineq**

Radiu tv-lu pillugit inatsimmi § 36 naapertorlugu KNR-ip ingerlanneqarnera nunatta karsianiit tapiissuteqarnikkut, ussassaarutitigut, allanit akiliisitsilluni aallakaatitassiornikkut aammalu ingerlatsinerni allani isertitaqartarnikkut aningaasalersorneqarpoq.

Illuatungeriit kissaatigivaat KNR-ip anguniartuassagaa allaffissornikkut aningaasartuutit inissisimaffeqartinneqassaasut i, taamaalilluni tunisassiorneq namminerlu aallakaatitassianik nuna tamakkerlugu kalaallinit tunisassiarineqartunik aallakaatitsineq ingerlanneqartuarsinnaalluni.

KNR-ip tv-kkut, radiukkut aallakaatitsivinnilu allani internettikkut innuttaasunut tamanut aallakaatitassianik kiffartuussinernillu annertuunik qulakkeerissaaq.

Ataatsimut isigalugu KNR-ip innuttaasunik kiffartuussinikkut ingerlatsinermini siunertaa tassaavoq:

#### Inuit oqartussaaqataaffigisaanni inuiaqatigiit innuttaasut iliuuseqarsinnaassusiat nukittorsarlugu

- Inuiaqatigiinnik paasissutissiinermut, oqallinnermut kulturimullu annertuumut pituttugaanngitsumullu inuit periarfissaqarnerat KNR-ip qulakkiissavaa.
- Inuit oqallinneranni inuillu oqartussaaqataaneranni peqataanissamut imarisamigut kiffartuussinikkullu KNR kaammattuissaaq.

#### Kalaallit Nunaat atassuserlugu tarrarsorlugulu

- Imaqartunut, misigisaqarfiusunut ataatsimoorfiusunullu annertuunut annikitsunullu KNR inunnik qaaqqusissaaq.
- Kalaallit Nunaanni nunap immikkoortuini tamaniittunik kulturip, inuunermik paasinninnerit inuunermilu atukkat inuiaqatigiinni tamatigoortumik sammisaqarnermik KNR neqerooruteqarlunilu assigiinngisitaartuunerannik ersersitsissaaq.
- Inuit oqartussaaqataanerat, naligiinnik killiligaananilu oqaaseqarsinnaaneq pillugu pingaartitanik tunngaveqartumik Kalaallit Nunaannik ataatsimoorfiusumik tapersersuinerne KNR peqataassaaq.

#### Kulturimik oqaatsinillu inerisaaneq

- Kalaallit eqqumiitsuliaannik kalaallillu kulturikkut kingornussaannik suliniuteqartutut ingerlatitseqqittutullu inissisimanini KNR-ip immikkut pingaartissavaa.
- Kalaallit kulturikkut inuunerannik immikkut ittumik imaqartumik KNR pisuunngorsaassaaq.
- KNR-ip kalaallit oqaasii immikkut pingaartissavai kalaallillu oqaasiisa, sumiorpaluutillu assigiinngitsut ilanngullugit, allanngutsaaliernerini ineriartortinnerinilu peqataassalluni, inuit taamaalillutik KNR-ip aallakaatitsinerani kalaallit oqaasiinik eqqortunik paasinartunillu misigisaqarlutik.

#### Ilisimasaqarneq paasinninnerlu siuarsarlugu

- Sammisat pimoorussisut attuumassuteqartullu assigiinngisitaartut ingerlateqqilluarneqarnerisigut inuit soqutigisaqalernissaannut ilisimasaqarnerannullu KNR siuarsaassaaq.
- Kalaallit nunanilu tamalaani kulturit, kiisalu kulturit isiginneriaatsillu allat pillugit inuit ilisimasaannik paasinninnerannillu KNR nukittorsaassaaq.

KNR-ip aallakaatitassiai ammip qalipaataa, suaassuseq, upperisarsiorneq, inuiaassuseq, najugaqarfik kinguaassiutitigullu isiginninneq pissutigalugu qinngarsuinnermut arlaannaatigulluunniit kajumissaarissanngillat.

Ukiumut isertitat (1.000 kr.)	2018-imi pivirusunngortut	AI2019 (mio.)	M 2020 (mio.)	M 2021 (mio.)	M 2022 (mio.)
Nunatta Karsianit aningaasaliissutit	68.284	67.8	68.0	68.0	68.0
Isertitat allat	7.516	5.5	5.5	5.5	5.5
Isertitat katillugit	75.800	73.3	73.5	73.5	73.5

Tabel 1. KNR'ip 2018-imi isertitatut pivirusunngortitai, AI2019-imi missingersuutigineqartut, ukiullu missingersuusiorfiusut (2020-2022).

Malugineqassaaq sumiiffinnut marlunnut, TV-mut aamma radiumut, ineqarnermut akiliutinut KNR-ip aningaasartuutai ukiumut 3,5 mio. kr.-inik qaffassimmammata. Aammattaaq malugineqassalluni KNR-ip nammineq oqartussaaffigisaminik nammineq inigisaminik oqartussaalernissaata tungaanut utaqqiisaasumik illunik attartornermut qaavatigut aningaasartuutit naapertuuttunik Nunatta Karsia immikkut aningaasaliissuteqarmat.

Ataaniittumi tabel 2-mi **2017-2018**-imi, kiisalu **2018-imi** ukiunilu missingersuusiorfiusuni – 1.000 kr.-inik allanneqartunik akissarsianut allatigullu ingerlatsinnermut KNR-ip ilanngaattissat ilanngaatigereerlugit aningaasartuutai takutinneqarput.

Ukiumut aningaasartuutit	2018-imi pivirusunngortut	2019	2020	2021	2022
Akissarsiat	43.100	45.300	46.300	46.300	46.300
Pikkorissarneq ilinniaqqinnerullu	866	850	1.000	1.000	1.000

Ingerlatsinermi anigaasartuutit allat	31.673	29.150	25.900	25.900	25.900
Aningaasartuutit katillugit	75.639	75.300	73.200	73.200	73.200

*Tabel 2. 2018-imi, 2019-imi ukiunilu missingersuusiorfiusuni (2020-2022), 1.000 kr.-inut allallugit KNR'ip ilanngaatisat ilanngaatigereerlugit akissarsianut ingerlatsinermullu allamut anigaasartuutai.*

Piffissami isumaqatigiissuteqarfiusumi teknikkikkut atortunik pisiortornermut, aserfallatsaaliinermi ikiorneqarnermullu anigaasartuutit KNR-ip nammineq anigaasalersussavai.

Atortut aarlerinartumik nungullalermata TV-kkut tunisassiornermut teknikkikkut atortunik nutaanik pisinermi atugassanut KNR-imut anigaasat 2016-imi qaffanneqarput. Tamatuma kingorna siumut sammisumik nammineq anigaasaliissutaasut iluanni pisinernut KNR nammineq anigaaliissaaq, maannakkut kinguaattoorutaasut 2016-imi KNR-imut ilassutitut anigaasaliissutaasut immikkut ittumik tapiissutitigut iluarsineqarsimalerpata.

## **5. KNR-ip IMARISAA**

KNR-ip pitsaassutsikkut imarititai KNR-ip pingaarnertigut innuttaasunik kiffartuussinermi siunertaanut tapertaassapput aamma nutaarsiassat, soqutigintut, eqqumiitsuliorneq aamma kulturip, meeqqat inuusuttullu, innuttaasunut qaammarsaanerup, ilinniartitaanerup ilinniarnermullu kiisalu nunap immikkoortuini ingerlatsinerup iluini sakkortusineqassalluni.

### **5.1 Nutaarsiassat soqutigintullu**

Innuttaasunut nutaarsiassat pitsaanerpaamik siammarterneri qulakkeerniarlugu tv-mi, radiumi internettimilu siunnerfigisanullu assigiinngitsunut tulluarsarneqarsimasunut aallakaatitsivinni attuumassuteqartuni nutaarsiassanik KNR neqerooruteqassaaq.

KNR-ip nutaarsiassaqtitsinera tamatigoortuussaaq illuinnaasiortuunanilu. KNR-ip nutaarsiassaqtitsinera pitsaassutisimik soqutiginaateqarnermillu sammisaqassaaq, nuna tamakkerlugu nunanilu tamalaani isiginiakkaniit nutaarsiassanik paasissutissiinermik sammisaqassalluni, tassunga ilanngullugu Danmarkimut attuumassuteqartut.

KNR piffissami isumaqatigiissuteqarfiusumi ulluinnarni tamani nal. 18:00-ip aamma nal. 21:00-ip akornani sivikinnerpaamik minutsinik 15-inik sivilissuseqartunik pingaarnertut nutaarsiassanik kalaallisut minnerpaamik tunisassiorarnissamut pisussaaffeqarpoq.

Aasaanerani ulluinnarni tamani (22. juni (Inuiattut Ullorsiornerup aqaguaniit aggustip qiteqqunneranut) aamma juullip ukiortaallu akornanni sivikinnerusinnaasunik pingaarnertut nutaarsiassanik aallaakaatitsisassaaq.

**KNR innuttaasunik kiffartuussinini pillugu nassuiaammimi nassuiassavai:**

- Aallaakaatitsivinni assigiinngitsuni nutaarsiassalerinerup annertussusaa, tassunga ilanngullugit oqaatsit atorpeqartut.

**5.2 Meeqqat inuusuttullu**

Meeqqat:

Meeqqat sumiiffigisaanni aallaakaatitassianik, kiffartuussinernik il.il. meeqqanut tunngasunik innuttaasunik kiffartuussinernik ineriartortitsinikkut tulluurtunillu imaqtartitsinikkut meeqqanut suliniuteqarnini KNR-ip sammissavaa. KNR-ip kalaallisut oqaasertalinnik aallaakaatitassianik pingaartitsisassaaq.

Ajoqusiinnaasunik imaqtartunut ukiukinnerusut isumannaarsimanissaat KNR-ip nakkutigissavaa.

**KNR innuttaasunik kiffartuussinini pillugu nassuiaammimi nassuiassavai:**

- KNR-ip meeqqanut suliniutai.

Inuusuttut:

KNR tunisassiat kalaallisuujujut aallaavigalugit inuusuttunut naleqqiullugu immikkut suliniuteqassaaq. Inuusuttut sumiiffigisaanni imaqtartunik KNR neqerooruteqassaaq, aamma inuusuttunut soqtiginartunik pisartunik assigiinngisitaartunik inuiaqatigiinni pissutsinik inuusuttullu inuunerannik aallaakaatitsissalluni. Pingaartumik inuiaqatigiinni pissutsinik paasissutissiinermut naleqqiullugu inuusuttuni annertuumik sunniuteqarsinnaasut aallaakaatitseriaatsinik atuineq KNR-imit isiginiarneqassalluni.

**KNR innuttaasunik kiffartuussinini pillugu nassuiaammimi nassuiassavai:**



- KNR-ip inuusuttunut suliniutai, tassunga ilanngullugit inuiaqatigiinni pissutsinik ingerlatitseqqinneq.

### 5.3 Kulturi

KNR nuna tamakkerlugu kalaallit kulturiannik sammisaqassaaq aamma kalaallit kulturiannik, oqaluttuarisaanerannik, pinngortitamik, silap pissusaanik kulturikkullu kingornussanik paasissutissiissalluni. Kalaallit kulturiannik paasissutissiineq pillugu nuna tamakkerlugu kulturilerisunik sapinngisamik KNR suleqateqassaaq.

KNR kalaallinik nipilersortartunik ineriartortitsinermik sammisaqassaaq, tassunga ilanngullugit kalaallit nipilersuutaannik siuariartorfiusut, kiisalu kalaallit nipilersuutaat aallakaatitassiaallu radiumi TV-milu periarfissillugit. KNR nipilersornermi kalaallinik nunanillu allaneersunik assigiinngisitaartunik sammisaqassaaq. Radiumi ukiumut minnerpaamik 50 %-imik kalaallit nipilersuutaat neqeroorutigineqartassapput, peqatigisaanillu erinniarsuit rytmimillu nipilersornermik sammisaqarnermik ingerlatsissalluni.

KNR sapinngisamik annerpaamik timersornermik aallakaatitsisassaaq. Timersoqatigiiffiit Kattuffiat suleqatigalugu kalaallit nunaanni timersornermi tamatiguussuseq annertunerusumik piumasaqarfiusumik aallakaatitsinermi takutinneqartassaaq. KNR sapinngisamik nunatsinni pissartanngorniunnerit tamaasa aallakaatinniartassavai. Tamatuma saniatigut timersornerit "ikitsunit peqataaffigineqartut" allallu peqqinnissamik siuarsaasut aallakaatitassiat aallakaatinneqartarnissaasa KNR-ip qulakkiissallugit, tamanna aningaasaqarnikkut ajornangippat, tassa najukkani/nunap immikkoortuani timersornerit aamma timersornerup inuiaqatigiinnut kulturimullu pingaaruteqarnera.

#### **KNR innuttaasunik kiffartuussinini pillugu nassuiaammimi nassuiassavai:**

- KNR-ip kalaallit kulturiata kulturikkullu kingornussaasa iluini suliniutai.
- KNR-ip kalaallit timersornerannik peqqinnissamillu siuarsaasunik aallakaatitsinerup iluani suliniutai.

### 5.4 Innuttaasunut qaammarsaaneq, ilinniartitaaneq ilinniarnertu

Innuttaasunut qaammarsaanermi sammisat arlallit iluini ilisimasanik KNR tapersersuissaaq tassuunakkullu toqqaannartumik toqqaannangitsumillu ilinniartitsinermut tapertaassalluni.

Ilinniartitaanerup ilinniarnerullu iluini neqeroorutinik KNR qulakkeerissaaq, tassunga ilanngullugit inuit ilaannut isumalluuteqarpiangitsunik ilinniarnissamut qiiimmassaasinnaanarit. Innuttaasunut qaammarsaanerup, ilinniartitaanerup ilinniarnerullu iluini KNR-ip neqeroorutai piffissap ingerlanerani innuttaasunut qaammarsaanermik, ilinniartitaanermik ilinniarnernillu paasissutissiinermut tulluarnepaasunik aallakaatitsivinni neqeroorutigineqarlutik.

**KNR innuttaasunik kiffartuussinini pillugu nassuiaammimi nassuiassavai:**

- KNR-ip innuttaasunut qaammarsaaneq, ilinniartitaaneq ilinniarnerlu pillugit suliniutai.

**5. Piffissami ukiumut radiumut tv-mullu aallakaatitsinermut nalunaaquttat akunneri ikinnerpaaffissaat**

KNR minnerpaamik 3600 tiiminik radiumi TV-milu 821 tiimi aallakaatitsinissamut imminut pisussaaffilerpoq.

Ingerlatani kisitsisit tiiminngorlugit	N 2018	AI 2019	M 2020	M 2021	M 2022
<b>5.1. Allat kalaallisut aallakaatitassiornerat : 1)</b>					
<b>Radiu</b>	<b>129</b>	<b>75</b>	<b>75</b>	<b>75</b>	<b>75</b>
<b>Tv</b>	<b>305</b>	<b>100</b>	<b>100</b>	<b>100</b>	<b>100</b>
<b>5.2. KNRip nammineq tunisassiornera katillugit 2)</b>					
<b>Radiu</b>	3497	2690	2790	2790	2790
<b>Tv</b>	836	675	715	715	715
<b>5.3. Nunatsinni tunisassiarineqartut (immikkoortitikkat katinneri) 3)</b>					
<b>Radiu</b>					
a) Meeqqat inuusuttullu	374	275	300	300	300
b) Eqqumiitsuliorneq kulturilu	1685	1300	1300	1300	1300
c) Timersorneq	142	110	110	110	110
d) Nutaarsiassat soqutigintartullu	1264	975	1050	1050	1050
e) Atuartitsineq	21	20	20	20	20
f) Peqqinnissaq	11	10	10	10	10
g) Danskisut aallakaatitsinerit (allamiulluunniit oqaasii atorlugit) 4)	384	320	320	320	320
<b>Katillugit</b>	<b>3497</b>	<b>2690</b>	<b>2790</b>	<b>2790</b>	<b>2790</b>
<b>TV</b>					
a) Meeqqat inuusuttullu	51	50	50	50	50
b) Eqqumiitsuliorneq kulturilu	218	180	180	180	180
c) Timersorneq	273	200	220	220	220
d) Nutaarsiassat soqutigintartullu	234	200	220	220	220
e) Atuartitsineq	31	20	20	20	20
f) Peqqinnissaq	24	10	10	10	10
g) Danskisut aallakaatitsinerit (allamiulluunniit oqaasii atorlugit) 5)	5	15	15	15	15
h) Danskisuunngorlugit nutserneqartut (allamiulluunniit oqaasiinut) 6)	97	80	80	80	80
<b>Katillugit</b>	<b>836</b>	<b>675</b>	<b>715</b>	<b>715</b>	<b>715</b>
<b>Tamakkertut (radiu tv-lu)</b>					
<b>5.4. Radiukkut aallakaatitsinerit tamarmiusut (ulloq unnuarlu) 7)</b>	<b>8953</b>	<b>8953</b>	<b>8953</b>	<b>8953</b>	<b>8953</b>
<b>5.5. Tv-kkut aallakaatitsinerit KNR1 + KNR2 7)</b>	<b>4884</b>	<b>4884</b>	<b>4884</b>	<b>4884</b>	<b>4884</b>

Tabel 3. Ukiuni 2019 – 2022-mi ukiumut aallakaatitsinernut tiimit ikinnerpaaffissaat, tiiminut allallugit.

1) Nunatsinni radiu/TV-qarfinnit – peqatigiiffinnit il.il. pisiat

2) KNR-ip nammineerluni aallakaatitassiat katillugit

3) Nunatsinni aallakaatitassiat (KNR-ip avataanni kalaallisut aallakaatitassiat + KNR-ip nammineq aallakaatitassiat).

4) Assersuutigalugu danskisut radiuavisit, silassaq tuluttoorlugu il.il.

5) Assersuutigalugu danskisut aallakaatinneqartartoq Qulaarpaa.

6) Assersuutigalugu Qanoroq qallunaatut oqaasertalersugaq.

7) Aallakaatitassiat tamarmik pineqarput (aallakaateqqit, aallakaatitassiat nunanit allaneersut il.il.).

### **5.1) Allat kalaallisut aallakaatitassiornerat**

Allat kalaallit tassaapput Nunatsinni tv-eqarfinnit imaluunniit radioqarfinnit allanit imaluunniit Nunatsinni najugaqartunit tunisassiorfinnit allanit tunisassiarineqartut radiukkut tv-kkullu aallakaatitassiat aaqjissuunneqarsimasut.

Allat kalaallit tunisassiaanni oqaluttuarisaanermi ilaannakkuusumik allanit tunisassiarineqarsimasut ilanngunneqarsimanngisaannarsimapput. Aamma taakku allat kalaallit tunisassiaattut immikkoortinneqaraluarpataluunniit.

#### **a) Radiu**

KNR-ip nammineq tunisassiai assigalugit tunisassiornerup pitsaassusaa qaffanniarneqarpoq. Ilaatigut najukkani radioqarfiit qanimut suleqatiginerisigut, tassunga ilanngullugu Nunatsinni najukkani peqatigiiffiit suleqatigalugit pikkorissartitsinerit. Allat tunisassiornerat qulaani taaneqartunit qaffasinnerupput, tassa allat tunisassiorneri arlalissuit KNR-ip tunisassiorneratut immikkoortinneqarsimammata (assersuutigalugu allat tunisassiornerannut KNR ininik atortitsisimappat).

#### **b) TV**

Allat tv-kkut tunisassiaannik pisinermut atatillugu KNR-ip nammineq tunisassiornera assigalugu allat tv-kkut tunisassiornerisa pitsaassusaat qaffatsinniarneqarput. Ilaatigut najukkani tv-eqarfinnik qaninnerusumik suleqateqarnikkut.

### **5.2) KNR-ip nammineq tunisassiorneri katillugit**

Tunisassiorneq naammassiuminarsarniarlugu KNR suliuarpoq, - illutigut periarfissaatitaasuni.

#### **Radiu:**

Radiukkut aallakaatitassiat imarisaanik ingerlaavartumik KNR pitsanngorsaaniarpoq. Ingerlaavartumik pitsanngorsaanermut aallaavigineqartoq tassaassaaq isiginnaartunik tusarnaartunillu misissuinerit kiisalu KNR-imi Atuisut siunnersuisoqatigiivisa kaammattuutaat siunnersuutaallu.

#### **Tv:**

KNR-ip tv-kkut aallakaatitassiaasa annertussusaat Nunatsinni tv-kkut aallakaatitassiornerit allaniit pisinermut atatillugu isigineqassaaq. Nunatsinni kalaallinit tunisassiarineqartunik

tv-kkut aallakaatitassianik KNR-imi suli takutitsisoqarnissaa Naalakkersuisunit pingaartinneqarpoq.

### **5.3) Nunatsinni tunisassiarineqartut katillugit**

#### **Radiumi tv-milu aallakaatitassiat Nunatsinni tunisassiarineqartut**

Matumani pineqarput Nunatsinni tunisassiarineqartut radiumi tv-milu aallakaatitassiat tamarmiusut, piffissami taaneqartumi KNR-imit aallakaatinneqartut. Tassani taamaalilluni pineqarput KNR-ip nammineq tunisassiaanik aallakaatitsinerit, Nunatsinni radioqarfinit tv-eqarfinnillu allanit tunisassiarineqartut aallakaatitassiat, kiisalu radioqarfittut imaluunniit tv-eqarfittut taaneqarsinnaanngitsunit Nunatsinni tunisassiortunit allanit radiukkut tv-kkullu aallakaatitassiarineqartut.

Meeqqanut inuusuttunullu, Eqqumiitsuliornermut kulturimullu, Nutaarsiassanut soqutiginaartunullu, Atuartitsinerit Peqqinnissamullu aallakaatitsinerit tiimit agguarnerini aallakaatitassiat ilaasa aallakaatitassiami immikkoortunit ataatsimit amerlanerusunik imaqaarsinnaaneri eqqarsaatigineqassapput. Taamaattumik aallakaatitassiat ilai missiliuinikkut procentinik agguaneq aallaavigalugu immikkoortuni assigiinngitsuni nalunaarsugaassapput.

Aammattaaq pingaaruteqarpoq nunami kulturikkut inuiaqatigiinnillu pingaartitanut naapertuuttunik qaffasissumik pitsaassuseqartunik immikkut ittunik, unamminartunik pineqartunillu innuttaasunik kiffartuussinernik qinigassaalluarsinnaasunik innuttaasut qulakkeerunneqarnissaat.

Kiisalu pingaaruteqartuni aallakaatitassianik pingaarnersiunerit KNR-ip ukiumoortumik Isiginnaartunik Tusarnaartunillu misissuisarnernut isumassarsisimanissaa.

a) Aallakaatitassiat meeqqanut inuusuttunullu sammisut:

Aallakaatitassiat meeqqanut inuusuttunullu sammisut suli ineriartortinneqarnissaat Naalakkersuisut kissaatigaat, soorlu aamma meeqqat inuusuttullu ersarinnerulernissaat ilanngutitinneqarnerunissaannullu KNR ikiutissasoq.

b) Eqqumiitsuliornikkut kulturikkullu aallakaatitassiat:

Eqqumiitsuliornikkut kulturikkullu aallakaatitassiat aallakaatitassianit qaffasinnerpaamik procenteqarput, eqqumiitsuliornikkut kulturikkullu aallakaatitassiat pitsaassusaat

qaffatsinniarnearluni. Ilaatigut Nunatsinni kulturikkut suliffeqarfiit allat annertunerusumik suleqatiginerisigut.

c) Timersorneq:

Naalakkersuisut kissaatigaat Kalaallit Nunaanniit annertunerusumik timersornernit siammasissumik aallakaatitassiorneq ukkatarineqassasoq. Siuliani piffissami isumaqatigiissuteqarfiusuni timersornikkut annertunerusumik pitsaasunik ineriartorneq nanginneqassaaq, taamaalilluni Nunatsinniit timersornikkut aallakaatitassiat amerlanerusut piffissami isumaqatigiissuteqarfiusumi aallakaatinneqarlutik, tassa timersuutinit angisuuniit pisunik aallakaatitassiat.

d) Nutaarsiassatigut soqutiginartutigullu aallakaatitassiat:

Soqutiginartunik aallakaatitassiani paasineqarput aallakaatitassiat politikkikkut inuiaqatigiinniluunniit pingaaruteqartunik nutaarsiassanut toqqaannartumik tunngassuteqartut, soorlu nutaarsiassanut oqaaseqarfigineqartut aallakaatitassiat, nutaarsiassat ineriartornerinik misissuineq imaluunniit nutaarsiassanut pisunullu soqutiginartunut politikkikkut isummat.

Nunatsinni najukkani radioqarfiit tv-eqarfinniluunniit qaninnerusumik suleqateqarnikkut sinerissamiit nutaarsiassatigut soqutiginartutigullu aallakaatitassiat annertusinissaat KNR-imit naatsorsuutigineqarpoq.

e) Atuartitsineq:

Naalakkersuisunit pissusissamisoortutut isigineqarpoq atuartitsinermik ingerlataqarnissaq siunertaralugu innuttaasunik kiffartuussinermi pisussaaffimmi naammassineqarnissaanut atatillugu tv-kkut nutaarsiassaleriffiup annertunerusumik KNR-imit atorineqarpat.

Aammattaaq tassunga atatillugu Naalakkersuisunit kissaatigineqarluni atuartitsinermik ingerlatat tusagassiorfiillu assigiinngitsut akornanni nukittunerusumik atassusiisoqarnissaa. Tassani pineqarput atuartitsinermik aallakaatitassiat kiisalu ilinniarnissamut kajumissaarutininik aallakaatitsinerit.

f) Peqqinnissakkut aallakaatitassiat:

Suliffeqarfiup innuttaasunik kiffartuussinermi pisussaaffiisa tamarmiusut ilaannut naleqqiullugu pitsaaliuinikkut peqqinnissakkullu siuarsaalluni suliniutit pillugit nunami inuit ilisimasaqarnissaannik qulakkeerinninnissamut KNR-ip ikuunnissaanik Naalakkersuisut

kissaateqarnerat tunngavigalugu kisitsisit isigineqassapput. Tassani assersuutigalugu nerisassatigut ileqqunut inuusaatsimullu naleqqiullugu innuttaasut nammineq peqqinnartumik toqqaasarnissaat siunertarineqarluni. Aallakaatitassiat eqqarsaatigineqarput aarlerinartuni assigiinngitsuni aallaaveqartillugit ilusilersorneqassasut, assersuutigalugu nerisanut, imigassamut, pujortartarnermut, aanngajaarniutitut pinngitsoorsinnaajunnaakkanut nappaatinullu allanut tunngassuteqartut. Aamma tassaasinnaapput kissaataanngitsumik naartulernerit, nikalloqqajaanerit, imminut toquttarneri il.il. sammillugit aallakaatitassiat.

Peqqinnartumik inuuneqarneq, inuummarissuseq pillugit aamma ulluinnarni inuulluarnep atugarissaarnerullu annertusinissaa siunertaralugu inuit ilisimasaasa annertusineqarnissaanik siunertaqartut aallakaatitassiat.

g) Danskisut aallakaatitsinerit (allamiulluunniit oqaasii atorlugit)

Radiu tv-lu pillugit inatsimmi § 28, imm. 2, nr. 10, tak. § 20, imm. 9, naapertorlugu aalajangersagaq ikkunneqarpoq.

Tassani annerusumik pineqarput aallakaatitassiat kalaallisut oqaaseqanngitsunut oqaatsinut allanut sammisut. Imaluunniit kalaallisut aallakaatitassiat nutserneqarsimasut. Aalajangersagaq inatsimmi § 20, imm. 9-mut atatillugu isigineqassaaq, taanna naapertorlugu aallakaatitassiatigut qinigassani oqaatsitigut ikinnerussuteqartut eqqarsaatigineqarnissaat.

Maluginiarneqassaaq danskisut radiuaviisi immikkoortumi tassaniissammat nutaarsiassanik soqutiginarturnillu aallakaatitassiat pillugit immikkoortoq d-miinnani.

Kisitsimmi tassani aallakaatitassiat nutserneqarsimasut ilanngunneqanngillat. Takujuk immikkoortoq h)

h) Aallakaatitsinerit danskisut nunamiulluunniit allat oqaasiinut nutserneqarsimasut.

Allamiut oqaasiinik oqaaseqartunut immikkut tunisassiarineqartut aallakaatitassiat aamma kalaallisut aallakaatitsinerit nunat allamiut oqaasiinut nutserneqarsimasut akornanni agguineq erseqqissarniarlugu aallakaatitsinerit nutserneqarsimasut tassani immikkut ilanngunneqarput.

Maluginiarneqassaaq danskisut radiuaviisi immikkoortumi tassaniissammat nutaarsiassanik soqutigintunillu aallakaatitassiat pillugit immikkoortoq d-miinnani.

Tassunga atatillugu maluginiarneqassaaq assersuutigalugu Qanoroq nutserneqarsimasoq tassani immikkoortumi ilaammat aamma nutaarsiassanik soqutigintunillu aallakaatitassiat pillugit immikkoortoq d-miinnani.

Naalakkersuisut aamma KNR isumaqatigiipput nutaarsiassanik aallakaatitsineq Qanoroq-p ataatigut allagartalerlugu aallakaateqqittarneranik maannakkut aaqqissuussineq ingerlateqqinneqassammat. Taamaaqataanik qulakkeerneqassaaq soqutigintunik pingaarutilinnik aallakaatitsinerit danskisut allagartalersorneqarsimasut nikingasumik aallakaatinneqarlutik.

Tamatuma saniatigut anguniagaavoq kalaallisut aallakaatitassiat amerlanerusut danskisut ataatigut allagartalersorneqartassasut.

#### **5.4-5.5) Radiumi tv-milu aallakaatittakkat ataatsimoortut**

Immikkoortuni taakkunani marlunni pineqarput radiumi tv-milu KNR'ip aallakaatittagai tamarmiusut. Kisitsisinut allanneqarsimasunut taamaalilluni Nunatsinni tunisassiarineqartut aallakaatitsinerit ilaapput, tassanilu assersuutigalugu aamma aallakaatitseqqinnerit il.il., soorlu aamma nunani allani tunisassiarineqartut aallakaatitsinerit. Tassunga atatillugu ilanngunneqassaaq nunani allani suliarineqartut aallakaatitassiat annertussusaasa minnerpaaffissaannik isumaqatigiisummi piunasaqaateqanngimmat.

#### **6. Internettikkut kiffartuussinerit**

KNR-ip nittartagaa, [www.knr.gl](http://www.knr.gl), pingaarnertut immikkoortunut sisamanut agguarneqarsimasoq; nutaarsiassat, tv-mut tunngasut videomi isiginnaartoqarsinnaalluni, radiumut tunngasut tusarnaarnissamut periarfissalik, kiisalu atuisunit pilersinneqarsimasut iserfigineqarsinnaasut, assersuutigalugu knr.gl-imi assilisanik isiginnaarsinnaaneq.

KNR-ip nutaarsiassaleriffia, ulluinnarni nutaarsiassatigut allaaserisanik imaqartoq (2015 tikillugu toqqorsivimmit ujarneqarsinnaasunik allaaserisanik 90.000-it missaannik imaqartoq), Qanoroq kingulleq, radiuaviisi kingulleq ullormut pingasoriarluni, kiisalu nammineq toqqarneqarsinnaasunik toqqorsivik videot tusarnaarneqarsinnaasullu.



Tv-mut tunngasut toqqaannartumik ulloq unnuarlu/sapaatip akunnera naallugu (24/7) aallakaatitsisinnaasoq, tassani aamma tv-mi toqqorsivimmi annertusiartuinnartumi nammineq toqqarneqarsinnaasut videot tusindinik arlalinnik amerlassusillit neqeroorutigineqarput, kiisalu paasissutissat aallakaatitassanut taakkulu aaqquussiffiinut ataasiakkaanut atassuteqarfiusinnaasut.

Radiumut tunngasoq toqqaannartumik radiumik aallakaatitsivoq, tassani radiumi toqqorsivimmi annertusiartuinnartumi nammineq toqqarneqarsinnaasut aallakaatitassiat tusindillit neqeroorutigineqarput, kiisalu paasissutissat aallakaatitassanut taakkulu aaqquussiffiinut ataasiakkaanut atassuteqarfiusinnaasut.

Knr.gl-imi paasissutissiisarfup saniatigut KNR inoqutinut attaveqaatiniippoq; YouTube, SoundCloud, Facebook, Twitter, Google+ aamma LinkedIn.

YouTube-kkut aamma KNR.gl-ikkut KNR-imi aallakaatitassianik takutitsinermilu piumasarineqarluni KNR-ip pisinnaatitaaffinnik pigisaqarnissaa, piginneqqaartussaataaneq pillugu inatsit naapertorlugu.

Isumaqatigiissutigineqarpoq KNR piffissami isumaqatigiissuteqarfiusumi aallaaviatigut KNR-ip nittartagaani maannakkut nutaarsiassatigut paasissutissiiffia ingerlateqqinneqassasoq, piumasaqaatit suliffeqarfiup aalajangersagai atorlugit innuttaasut soqutiginnittut nutaarsiassanut ataasiakkaanut oqaaseqaateqarnissamut periarfissaqarlutik. Taamaalilluni innuttaasut akornanni oqaloqateqarnissamut isiginneriaatsinik assigiinngitsunik paarlaasseqatigiinnissamut qulakkeerunneqarput.

Kiffartuussinerit assigiinngitsut ineriartortinneri KNR'imit nangingneqassapput, soorlu nutaarsiassat, aallakaatitassiamut attuumassuteqartut paasissutissiinerit, meeqqanut inuusuttunullu imarititaasut, isiginnaartunik kiffartuussineq, tusarnaartunik kiffartuussineq, oqalliffik allatigullu atuisut ilanngutitinneri kiisalu assitalinnik, nipilinnik allagartalinnullu tunisassiornerit. Taakku imarisat qarasaasiani imaluunniit internettimut atassuteqartuni angallattakkani tusarnaarneqarsinnaaneritut tiguneqarsinnaanerinullu KNR periarfissiivoq. KNR-ip aallakaatitassiaanilli tusarnaarnissamut immiunnissaannullu piumasarineqarluni KNR-ip pisinnaatitaaffinnik pigisaqarnissaa, piginneqqaartussaataaneq pillugu inatsit naapertorlugu.

Radiukkut / tv-kkut aallakaatitassiat tamaasa internettikkut KNR-imit tunngavilerneqassagaluarpata tamanna KNR-imut annertuumik aningaasartuuteqarnermik kinguneqartussaassaaq.

## **7. Pitsaassusilinnik ineriartortitsineq**

Isiginnaartartut, tusarnaartartut allallu atuisut suliffeqarfiup tunisassiaanik misigisaqarnerannik iluarinninnerannillu misissuisarnikkut KNR-ip suliaasa pitsaassusaanik naliliineq piffissami isumaqatigiissuteqarfiusumi ikinnerpaamik ukiumut ataasiarluni ingerlanneqartassasoq isumaqatigiissutigineqarpoq. Naliliinerit KNR-ip radiumi tv-milu aallakaatitassiaanut inuit atuinerannik isumaannillu qulaajaanissaq siunertarlugu ingerlanneqartassapput, soorlu aamma siunissami aallakaatitassanut naleqqiullugu isummatigut isiginninneq naatsorsuutigisallu pillugit apeqqut ilanngunneqarsinnaasoq.

Pitsaassutsimik naliliineq imatut ingerlanneqassaaq KNR-ip tunisassiaanik kiffartuussineranillu atuisut iluarinninnerannik aamma KNR-ip tunisassiaanut kiffartuussineranullu naatsorsuutigisanik tatiginninnerannillu uuttuutini minnerpaamik nalilersuisoqarluni. Pitsaassutsimik nalilersuineri uuttuutit atorneqartut imatut atorneqassapput piffissami angusassatut isumaqatigiissuteqarfiusumi ineriartornermik allaaserinninnermi atorneqarsinnaallutik.

## **8. Ileqqorissaarnermi eqqarsaatigisassat**

Suliffeqarfiup innuttaasunik kiffartuussineri pisussaaffiiniq KNR-ip naammassinninneranut atatillugu toqqammaviuvoq killiligaanani oqaaseqarsinnaanermut paasissutissiisinaanermullu pingaaruteqartumik eqqarsaatiginninnissaq, tamannalu inuit nammineq inuuneqarnissamut pisinnaatitaaffeqarnerat pillugu inatsisini malittarisassat aalajangersarneqartut kiisalu inunnit soqutigineqartunik sammisanik tamanut saqqummiussinissamut sammisaqarnissamullu inuiaqatigiit pisariaqartitsinerat aallaavigalugit pissalluni. Tamatuma nanginnerani paasissutissanik killiligaanani paarlaasseqatigiinnissamut nutaarsiassanillu paasissutissiinissamut inuiaqatigiit pisariaqartitaannut innuttaasunut ataasiakkaanut pissutsinik tamatigut KNR eqqarsaatiginnittarneratigut. Tassunga atasumik ukiukinnerusut timikkut, tarnikkut ileqqorissaarnikkullu ineriartornerannut annertuumik ajoqusiisinnaasunik aallakaatitassianik aallakaatitsisoqannginnissaa KNR-imit nakkutigineqassaaq, tassunga ilanngullugu pingaartumik aallakaatitassiat atoqatigiinnermik imaluunniit pissutissaqanngitsumik

persuttaanermik imaqartut aallakaatitassiat. Peqatigisaanik suliffeqarfimmi atuuttunik aallakaatitassiornermi tusagassiornermilu ileqqorissaarnermi tunngavissanik KNR piareersaassaaq, suliffeqarfiup nittartagaani tamanut saqqummiunneqartussat.

### **9. Qarasaasiatigut toqqorterineq**

Radiukkut aallakaatitassiat taakku kinguaassatsinnut qulakkeerniarlugit aallakaatitassianik toqqorsiviup digitalinngorsarneranik KNR aallartitsisimavoq. Anguniagaq tassaavoq qarasaasiatigut toqqorsivimmu innuttaasut periarfissinneqarnissaat, taamaattorli inatsisit malillugit killilernerqartussat, tassunga ilanngullugu piginnittussaataaernermit inatsit. Isumalluutitigut killeqarnerup malitsigisaanik tamanna ingerlaavartumik ingerlanneqanngilaq. Piffissanilu suliaqarnissamut piginnaasaqartut piffissaqarneranni ingerlanneqartarluni.

Radiumi/Tv-mi aallakaatitassianik sukkasuumik tamakkiisumillu digitalinngortitsineq annertuumik aningaasartuuteqarfiusussaavoq tamatumunngalu immikkut aningaasaliisoqarnissaa pisariaqassalluni. Piffissami isumaqatigiissuteqarfiusumi Naalakkersuisoqarfik aamma KNR digitalinngorsaanermit aningaasanik nassaarniassapput.

### **10. Upalungaarsimaneq**

Radiu tv-lu pillugit inatsimmi § 16, imm. 1 naapertorlugu upalungaarsimanissamut innuttaasunut pingaarutilinnik nalunaaruteqarnissamut KNR pisussaaffeqarpoq.

### **11. Isumaqatigiissutip eqqortinneqarnera**

Ukiup siuliani innuttaasunik kiffartuussinermi pisussaaffiit qanoq naammassineqarsimaneri pillugit KNR nassuiaasiussaaq (tak. radiu tv-lu pillugit inatsimmi § 28, imm. 6). Nassuiaat kalaallisut danskisullu allanneqarsimasoq kingusinnerpaamik aprilip aallaqqaataani ingerlataqarfimmi akisussaasumut Naalakkersuisoqarfimmut tunniunneqassaaq taassuma nalilernissaa siunertaralugu. Tamatuma kingorna nassuiaat KNR-ip nittartagaani tamanut saqqummiunneqassaaq.

Piffissami isumaqatigiissuteqarfiusumi ukiunut ataasiakkaanut paasisutissat uku nassuiaammit takuneqarsinnaassapput:

- 1) Radiumut tv-mullu agguarlugit kalaallisut tunisassiarineqartut annertussusaat.
- 2) Radiumut tv-mullu agguarlugit KNR-ip tunisassiaasa annertussusaat.

3) Nunatsinni radiumi tv-milu aallakaatitsinerit annertussusaat katillugit ukununnga agguarlugit:

- a) nutaarsiassat soqutigineqartullu
- b) eqqumiitsuliornikkut kulturikkullu aallakaatitassiat
- c) Meeqqanut inuusuttunullu aallakaatitassiat
- d) Atuartitsinermi aallakaatitassiat
- e) Allamiut oqaasiinut sammisut aallakaatitassiat
- f) Peqqinnissamut aallakaatitassiat

4) Tv-mi aallakaatitassiat Nunatsinni suliarineqartut annertussusaat katillugit ukununnga agguarlugit:

- a) Nutaarsiassat soqutiginartullu
- b) eqqumiitsuliornikkut kulturikkullu aallakaatitassiat
- c) Meeqqanut inuusuttunullu aallakaatitassiat
- d) Atuartitsinermi aallakaatitassiat
- e) Allamiut oqaasiinut sammisut aallakaatitassiat
- f) Peqqinnissamut aallakaatitassiat.

Qulaani allanneqartuni taamaallaat aallakaatitassiat KNR-imit radiumi tv-miluunniit aallakaatinneqartut pineqarput.

Taakku saniatigut isumaqatigiisummi innuttaasunik kiffartuussinermi pisussaaffiit allat naammassineqarneri pillugit KNR nassuiaasiussaaq, tamanna pillugu ingerlataqarfimmi akisussaasoq Naalakkersuisoqarfik noqqaassuteqarpat. Aallakaatitassat immikkoortiternerini annertuumik allannguisoqarnera pillugu ingerlataqarfimmi akisussaasumut Naalakkersuisoqarfimmut KNR ilisimatitsissaaq.

## **12. Piffissami isumaqatigiisuteqarfiusumi immikkut pisut**

Piffissami ukiumut ataatsimut radiu Tv-lu pillugit minnerpaamik kisitsisini allanneqartuni (immikkoortoq 5) immikkut pisuni immikkut ittumik tunisassiornermi kisitsisit ilanngunneqanngillat, tassa kisitsisit minnerpaaffissaattut allanneqartut ukiumik nalinginnaasumik tunngaveqarmata, Innuttaasunik Kiffartuussinissamut Angusassatut isumaqatigiisummut matumunnga aningaasaliissuteqarnermut tunngaviusut. Taamaattorli aallakaatitanut sunniuteqarsimasut imaluunniit sunniuteqarsinnaasut naatsorsuutigineqartut pisut marlussuit eqqaaneqassapput:

### Ukioq 2019

Folketingimut qinersineq

Naatsorsuutigineqassaaq siusinnerusukkut folketingimut qinersinerit assigalugit radiumi tv-milu aallakaatitsisoqassasoq. Qinersinissap tungaanut aamma qinersinerup unnuani.

### Ukioq 2021

Kommunalbestyrelsinut qinersineq

Naatsorsuutigineqassaaq siusinnerusukkut kommunalbestyrelsinut qinersinerit assigalugit radiumi tv-milu annertuumik aallakaatitsisoqassaaq. Qinersinissap tungaanut aamma qinersinerup unnuani.

### Ukioq 2022

Inatsisartunut qinersineq

Naatsorsuutigineqassaaq siusinnerusukkut Inatsisartunut qinersinerit assigalugit radiumi tv-milu annertuumik aallakaatitsisoqassaaq. Qinersinissap tungaanut aamma qinersinerup unnuani.

### 13. Sivisussusaa

Isumaqatigiissut manna 1. januar 2019-imiit 31. december 2022-mut atuuppoq (tak. radiu tv-lu pillugit inatsimmi § 57).

Isumaqatigiissummi allannguinerit piffissap ingerlanerani KNR-ip Naalakkersuisullu akornanni isumaqatigiissutigineqarsinnaapput. Isumaqatigiinniaqqinnissaq qaammatit arfinillit sioqqullugit kalerriutigineqassaaq, immikkullu illuinnartunik pissutsinik tunngavilersugaassalluni.

Ilulissat, ulloq <sup>29/11</sup> 2019.

  
Sofie Sandgreen

KNR'ip siulersuisuini siulittaasoq

  
Ane Lone Bagger

Kultureqarnermut Naalakkersuisoq